

華東師範大學圖書館藏
稀見叢書匯刊

黃秀文 吳平◎主編

北京圖書館出版社



黃秀文 吳平◎主編

北京圖書館出版社

華東師範大學圖書館藏

稀

見

叢

書

匯

刊

40

第四十冊目錄

《啖蔗軒遺著》	一
蔗餘偶筆	一
梁聞山先生評書帖	一二七
鮑覺生先生未刻詩	一五七
啖蔗軒自訂年譜	一八五
東歸日記	二三九
《求是齋算學四種》	二七五
易圖管見	二七五
算學心悟	三六三
珠算金針	三九一
測圓海鏡識別詳解	四一三

陳茂

策餘

司馬遷史記
卷之五

吾兄髫年嗜學穎悟過人弱冠擢詞科直薇省早膺方面到處留心掌故攬勝多聞最後天山一役塞雨邊雲彌增奇氣戊子東歸課子暇門無雜賓手不釋卷者二十餘年如一日用蘇詩意以顏其軒曾自編年譜一帙皆紀實焉今春出所錄蔗餘偶筆見示但據生平閱歷真聞確見毋鑿毋褻毋拾牙慧殷然以記載隱寓勸懲其本旨也昔國初諸公序宋牧仲先生筠廊偶筆迺峭整潔不名一體余謂是書清腴典質善學前賢亦足爲記部中卓卓名作自愧枵腹不克以資採擇而以親炙時辱下問遂使芻蕘一得幸附簡編雖古君子宏獎後進何以加耶

道光戊申秋七月從弟藝圃爵鼎叙

蔗餘偶筆

定遠方士淦蓮舫

長白山爲我

朝發祥之地產名香

壇廟祭祀皆取資焉山高而深于役者無棲止所有神雕
巢極大屆期避讓若傳舍然

盛京大庫有老熊皮一具雄烈如生我

太宗文皇帝御鎗所獲也歷

朝藏弄以示服猛

張星垣明府璇磁州巨室也宰吾邑有聲嘉慶癸酉重晤

京師年踰七十矣曾述其外祖某公壽八十餘髻年在德勝門外廟中讀書有老和尚自言明季入寺學掃山門一日天未明聞叩門聲甚急見偉人長身縞素渴求飲少頃遙望東北軍容風雲五彩偉人策馬南馳翌日乃知吳王請我

大兵入德勝門

聖祖平定東南島夷敝關乞准貿易臺吏上聞尙書韓文懿公京江相國張文貞公力持不可

高廟時大興朱文正公裁洋商陋規眞名臣言行也

杭州雲棲寺在錢塘江邊極幽秀寺中有董香光初入庶

常爲蓮池大士書金剛經一本

聖祖七巡

高廟六巡皆有題詠寺僧尊藏唯謹

錢塘吳越王鐵券藏温州府錢氏長三尺餘光如元玉字
嵌赤金我

朝三入

內廷仰邀

睿賞

聖祖巡幸浙江

召見湖州守陳一夔書杜詩雲移雉尾開宮扇日繞龍鱗

識聖顏三句以

賜廳事常懸昭回雲漢

雍正某科春闈下第諸君占易得渙有邱匪夷所思皆不解旋奉

特旨將落卷挑取八名與中式者一體錄用異數也內有邱姓神哉

歐陽文忠公像在滁州官庫乾隆己卯新建尙書裘文達公典試回京進呈

御覽題詩以爲鎮滁之寶

軍機章京盡懸數珠全紅帽罩惟三品以上

內廷准服五品以下則否例也

高廟時章京帶引

見值天雨冠爲之濕

上問其故金壇于文襄公以體制對自是行走軍機處帽

罩遂全紅云

錢竹汀宮詹

大昕

撰內閣侍讀嚴

長明

傳嚴官中書充方

畧館官以書局在

內廷許懸數珠中書在書局得懸數珠自此始也

高廟謁

陵中途嚴寒

上廬二麥扈從以麥宜寒涼對

上因歎爲君難旋考試差詩題麥浪得難字李松雲堯棟

汪杏江

學金

兩太史獨得其解李詩中有一天新雨露萬

頃綠波瀾一聯

仁廟親政李外任

召問及之蓋當年奉派讀卷也

高廟樂善堂文集奎章炳煥先伯祖煒乾隆戊申典試山

右差旋

召見

天語垂訓以備員詞館敬謹誦讀爲對並有方苞時文好

係汝何人之

問啟廸儒林文章正鵠至今傳爲家範云

乾隆間有巨室貴人撻僕致斃部臣照擅殺例問抵本折
角

御門進呈

高廟以主僕之分減等

恩出自上非臣下所敢妄希也

玉音琅琅先伯祖講官侍班親聆之

乾隆間浙藩徐公

澍

調山東入

覲以湖州山水清遠欲請

翠華巡幸得

旨回浙辦理徐公抵任先飭開城南碧浪湖大興工役一日

召問武進相國程文恭公對以湖州春季蠶忙恐防民事立奉停止之

詔徐公仍調山左

聖德如天仁言利溥至今稱頌弗替

高廟題西山寶珠洞截句云絕頂何來洞壑深仙風吹送八琅音箇中疑有天龍護時作人間六月霖嘉慶甲戌同年鍾仰山少寇昌奉其封公小尹先生伊湯安遊西山三

山菴香界寺諸勝境招余追陪同瞻

天藻

嘉慶癸亥三省軍務告竣戊辰冬家有堂方伯積蜀臬入

覲

仁廟垂問邊務甚悉並

諭朕親政初宮中祈卜占者云三人同心方奏膚功當應
經畧額勒登保叅贊大臣德楞泰總督勒保也

詹事升轉定例洗馬名次後講讀長沙劉文恪公十八年
而後遷當時有老馬之目嘉慶初尙書戴紫垣師擢洗馬
召對及之始奉與講讀較俸之

論由是洗馬升階遂無久淹

嘉慶戊辰會試山東年老諸生

恩賜舉人王服經中式年八十有五大總裁富陽董文恭
公揭曉日復

命口奏

天語褒嘉有比梁灝大三歲之譽

殿試改庶吉士

特旨授職還籍異數也

嘉慶戊寅

仁廟六旬萬壽湖南壽民某百十三歲舉報到省予在督